

Siòk tī Thian-kok ê Gín-á

Tú tiòh chit ê kan-siáp “sìⁿ-miā tō-tek” kap “chū-iû sóan-ték” ê khè-suh (case), m̄ chai sī pháiⁿ ūn-khì, á-sī tát-tit kám-siā ê keng-giām. Pē-bú ê bô-nāi m̄-kam, i-seng ê mâu-tún chhiong-thùt, kap chit ê bōe ū lêng-lék hoah-siaⁿ chiū siau-sit ê sió sìⁿ-miā, in só khan-chiāⁿ ê kò-sū hō góa kan-khō chin kú.

Tí hák-hāu chiū bat chiap-chhiok kòe i-hák-lûn-lí (medical ethics) kap sìⁿ-miā tō-tek ê khò-têng. M̄-kú, kèng-jiân tiòh ài gán-chêng chit ê òah-chhiⁿ chhám-pi ê sit-lē, chiah hō chit ê teh beh chut-giap ê i-hák-seng cháu-chhōe ka-kī sim-tiong ê chún-check. Góa ê lōe-sim, tī hit mê, khí pho-lân. Sī-hui ê phòaⁿ-tōan, tō-tek ê phiau-chún, kap seng-òah ê hiān-sít kiám ôe tit chhōe tiòh in kiōng-tông ê chhut-lō? 7 nî lâi só siū ê i-hák kàu-iòk, bô kà góa án-chóaⁿ bīn-tùi chit khóan chìn-thè siang-lân ê sī-khek.

Khè-suh ê kò-sū sī án-ne: chit ê tī Mama pak-tō té 28 lé-pài góa ê gín-á, chit-pái tī sán-chêng kiám-cha ê sī, i-seng hoat-hiān i ū chuí-náu (hydrocephalus). Chhiau-im-pho (ultra-sound) iáⁿ-siōng chín-tōan sī chek-chhé phong-chhut (spina bifida). Che sī chit khóan phe-thai ê sīn-keng-kóng hoat-iòk seⁿ-chiāⁿ bô tui-tâng ê sian-thian (congenital) siong-tiōng pēⁿ-chèng. Gín-á ê eⁿ-pòaⁿ-sin kó-lêng éng-óan bô hoat-tō kám-kak, ūn-tōng, bē khiā bē kiāⁿ, mā bē tit khòng-chè sái-jiō. Lēng-góa iáu ū háp-lâm kî-tha sian-thian-sèng kî-hêng (anomaly) ê ki-hōe.

Pē-bú tī liáu-kái pēⁿ-chêng í-āu, khó-lū in chhù--nih ê khóan-kéng kap chiong-lâi tek-khak bīn-tùi ê khùn-lân, koat-têng hòng-khì chit ê in bô lêng-lék io-chhī ê gín-á. In mā m̄ góan khòaⁿ i chit chhut-sì chiū

*Khòaⁿ i phah-piàⁿ teh
chhóan-khùi, i ê khàu-siaⁿ ū
sìⁿ-miā tui-kiû seng-chún ê
khùi-lát.*

Koa Khá-lē bīn-tùi kan-lân iú-hān ê sìⁿ-miā, iā kiaⁿ i pháiⁿ tī bô-chêng hiān-sít ê siā-hōe khiā-khí. Chiū iau-kiû i-su pang-chān. I-su lí-kái in ê khòa-lū, khiā tī tōng-chêng ê lip-tiûⁿ, tap-èng pang in thèh gín-á (termination). 28 chiu tōa ê gín-á í-keng bô hoat-tō éng khau..ê (dilatation and curettage), á-sī chiāh iòh-á lâi thèh (medical abortion). Tiòh éng chhin-chhiūⁿ chū-jiân-sán (vaginal delivery) ê hong-hoat sán--chhut--lâi.

Tùi chit ê mama tōa jip sán-kho pēⁿ-pâng í-āu, góan kúi ê ìn-tâng (intern) lóng kan-ta kî-thâi mài tī ka-kī tong-tit ê sī-chūn tú tiòh gín-á seⁿ--chhut--lâi ê hit-tiáp. Tô-pí ê sim-thài tāi-thè chún-pí bīn-tùi ê thai-tō. In-ūi kā kòe-óng ê gín-á niû thé-tâng, sin-kôan kap thâu-ûi, chòe-âu sàng-jip peng-siuⁿ sī góan ìn-tâng ê khang-khòe.

Sî-kan sī tī góa tit-pan hit àm-mî ê hoan-tiám.

Kā Mama sàng jip sán-pâng, chiū sán-tâi. Bô jōa kú chit ê chin sè-chiah ê eⁿ-á “chhut-sì”--lôh. Tùi chit ê hō tōa-lâng thèh-tiāu, hòng-khì ê gín-á lâi kóng, góa iōng “chhut-sì” hêng-iōng i sī chin chân-jím, kèk bô sek-tòng..ê. Án-ni kóng iā chún teh khau-sé i ê pē-bú kap i-seng só chò ê koat-têng. M̄-kú, khiā tī sán-tâi piⁿ-á chō-sán ê góa, bô hoat-tō khòng-chè pún-lêng kap chhong-tông, góa khòaⁿ--tiòh, kám-sū--tiòh..ê chiū sī “chit ê eⁿ-á ê chhut-sì”.

Ē tit ū-chhek..ê, 7 kò góeh tōa chiah thèh--chhut--lâi..ê sī chit ê eⁿ-tâng, ê khàu, ê chhóan-khùi ê sìⁿ-miā. Chhin-chhiūⁿ sī chit ê iáu-bōe kàu-góeh ê “chá-sán-jī”(premature baby). Chho khòaⁿ--khí--lâi, kap pât-lâng bô siāng-khóan..ê chí-sī i n̄ng kha bô-lát,

tit-tit bē òah-tāng, koh io-chek-kut téng seⁿ chit bō kòai-mih nā-tiāⁿ. Hō lâng kiōng thèh--chhut--lâi ê i m̄ sī í-keng sí-bông, á-sī bō ki-hōe òah ê gín-á. Khòaⁿ i phah-piàⁿ teh chhóan-khùi, i ê khàu-siaⁿ ū sīⁿ-miā tui-kiû seng-chûn ê khùi-lát. Sô-ū tī sán-pâng lâi ê lâng lóng kám-siū--tiòh--ah. I ê mama iā it-téng thiaⁿ tiòh i ê kiáⁿ bî-bî ê khàu-siaⁿ. M̄-chai i hit sî án-chóaⁿ siūⁿ? Chheⁿ-kóng put-an ê hoeh-liû chin kín lâu kàu góa sin-khu tak só-châi. Tâi-ke lóng chêng-chêng teh tán ê-chit-pō, m̄ káⁿ tōa siaⁿ chhóan-khùi. Chiàu Chú-tí-i-su ê keng-giām, chit ê eⁿ-á chiū sòng bō pó-un mā ū khó-lêng òah kàu thiⁿ kng. Beh kiù á m̄? Chòe-āu koat-téng seng chhiáⁿ sió-jî-kho i-su (pediatrician) lâi pêng-ko liáu chiah kóng.

Tán-thâi ê sî-khek, eⁿ-á iû-gôan tī pô-un-tâi téng sòe-sòe chhut siaⁿ. Iáu tó tī sán-tâi téng ê mama om-bîn lâi tûi, siūⁿ--lâi sî khaí tī lí-sèng kap kiông beh liâh-kóng ê piⁿ-kîⁿ. Chhú-sî chhú-khek, i chún sî ng-bâng ôe tit kóaⁿ-kín lí-khui chit ê pâng-keng.

Chhiáⁿ sió-jî-kho i-su lâi, pûn-lâi chiū tûi tong-chhoi thèh-gín-á ê hêng-ûi kóng bē tit kòe. Chiū sî bô ài, hòng-khì--ah chiah beh kiông thèh, chit sî kiám ū lí-iû koh chhiáⁿ

sió-jî-kho i-su lâi? Kiù-lâng sî i-su ê thian-chit, chit-tiáp sòa teh tiûⁿ-tû. Kiù-lâng m̄ sî tong-jiân, m̄ sî múi chit ê i-seng só kian-chhî ê sìn-liām? Nâ chún beh kiù, túi hiân-chhú-sî ê i-liâu lâi kóng pêng bô tōa khùn-lân. Chiū sî ôe tit kiù, chiah jù hō lâng chhiong-kek.

Koh chit-pái, pê-bú kap i-seng bîn-tùi hòng-khì gín-á ê sóan-ték. Pê-bú iáu sî pang i kû-chhòat in bô ài i kòe ê jîn-seng. In-ûi án-ni, sió-jî-kho i-su tī chò liáu chhoi siⁿ eⁿ-á ê ki-pún chhú-lí chiū lí-khui. Pê-bú iā lí-khui. Chòe-âu hû-sán-kho i-seng iā lí-khui--loh. Kan-taⁿ lâu bebih (baby) chit ê lâng tiâm tī sàñ-pâng--nih.

Put-an ê chit mê kòe--khì, i iáu teh piàⁿ-miā chhóan-khùi. Góa bô siūⁿ beh chai-iáⁿ i ê sîⁿ-miā î-chhî kàu hô-sî, mā bô ài koh khòaⁿ tiòh châ chiū hō lâng soan-phòaⁿ sí-bông ê chit ê siök tī thian-kok ê gín-á.

Hiân-sit ê lèk-liöng kap bô-chêng chiàn-sèng it-chhè. Chit ê 28 chiu tōa ê “lâng” tong-jiân bô lêng-lèk piáu-sî ka-kî seng-chûn ê ì-gôan. Nâ án-ni, tàu-té kiám ū lâng ū kôan-lí koat-téng i ê sèⁿ-miā? Khò-sû kàu chia. Keng-kòe lôe-sim ê tōa tê tâng, nâ koh chit pái gû--tiòh, góa kiám ôe ū tap-àñ?



Chhiò-khoe

Góa Kiò Sím-mih Miâ

Ông Siok-chhiu Ék

Ū chit jit, chit ê seng-bût kàu-siū, beh kâ hák-seng khó-chhì. I kôaⁿ chit kha chiáu-lâng-á jíp lâi kàu-sek. Chiáu-lâng-á lâi-bîn ū chit chiah chiáu-á, góa-bîn iöng chit tè o-pò khàm--leh.

Chit ê kàu-siū hian-khui chit-sut-á o-pò, hō hák-seng khòaⁿ chiáu-á ê kha. Kàu-siū mñg hák-seng kóng, "Chit chiah chiáu-á sî sím-mih khóan chiáu-á, kâ i ê miâ siá--chhut--lâi".

Ū chit ê hák-seng chin siū-khì. I siūⁿ kóng kan-taⁿ khòaⁿ chiáu-á-kha, beh ná ê chai-iáⁿ sî sím-mih khóan chiáu-á. Sô-í i chiū bô ài chham-ka khó-chhì, tûi kàu-sek kiâⁿ--chhut--khì. Kàu-siū khòaⁿ--tiòh, chiū kâ kiò lâi mñg kóng "Lí sî án-chóaⁿ m̄-ài khó-chhì. Lí kiò sím-mih miâ? "Chit ê hák-seng lóng bô kóng-oe, kan-taⁿ lèk i ê khò-kha--khí--lâi hō kàu-siū khòaⁿ i ê kha, kóng, " Lí khòaⁿ góa ê kha, góa kiò sím-mih miâ?".